

Բիբիդոնի ժողովը

Ըստ Աթաբեկ Խնկոյանի „Մկների ժողովը,, ստեղծագործության

Չոր էր, չոր էր Բիբիդոն: Էս խեղճ պղպեղ Բորիկոնը ելավ ընկավ դոնեդուռ, էլ չթողեց տուն-կտուր: Սոխ ու պղպեղ, բաղրիջան, կաղամբ, լուլիկ ու բիբար հավաքվեցին ժողովի, թե ոնց անեն, ոնց անեն, որ ջրերը ետ բերեն:

Առաջ եկավ մի ծեր պապ բաղրիջան Բորոն:

_Լսե՛ք, բանջեր ցեղակից, չունեմ որդի կողակից, ես գրագետ ծերուկ եմ և մի խելոք բան գիտեմ: Ա՛յ, բերել եմ մի մկնիկ ու մի խելոք...

_Էլ ինչ, էլ ի՞նչ,- վրա տվեց հարբած բիբար Հարբիդոն:

_Ինչ ու ինչ, համակարգիչ: Հենց որ մտնեք ինտերնետ, գնաք գտնեք էն գիշատիչ...

_Գիշատի՞չ... Ի՞նչ գիշատիչ,-հիմար Չմբոն մեջ ընկավ:

_Չար գիշատիչ Ջուրկտրիչ: Ջնջե՛ք նրան ինտերնետից, ջուրը բացե՛ք Windows-ով և ուղարկե՛ք Բիբիդոն: Բայց ո՞վ մտնի ինտերնետ:

_Ճուվ-ճուվ, դու:

_Ես սիրուն եմ:

_Չմբո, դու:

_Ես սմբուկ եմ, դմլուկ եմ, բա որ այնտեղ մոլորվե՞մ:

_Հարբիդո:

_Ես հարբած եմ:

_Սոխլուկ, դու:

_Որ փռշտամ, լաց կլինես:

_Բիբիկոն:

_Ասե՛ք գնա՛ք, բա որ այնտեղ էլ մենք մնա՞նք: Թող իմաստուն պապը գնա:

_Լռե՛ք բանջարներ, ճաշ դառնաք դուք: Ճառ ասեմ, թե՞ ջուր բացեմ:

Բարկացավ Բորոն, մուկը շարտեց, համակարգիչն էլ նա մի կողմ դրեց:

_Էլ ինչ ինտերնետ ու ինչ Windows, մութ մնացեք, մութ չորացեք:

Ու պրոծ:



Էլեն Բաբայան

Գեղարվեստի դպրոց-պարտեզ

3-րդ դասարան